

VERSLAG VAN DIE PRESIDENT VAN WONDERBOOM ROLBALKLUB VIR DIE 2012/2013 SPEELSEISOEN.

Inleiding.

Hiermee doen ek verslag van Wonderboom Rolbalklub se aktiwiteite vir die afgelope speelseisoen.

Die huidige Uitvoerende Bestuur het tydens hul eerste vergadering besluit om by die visie van die klub soos wat dit in 2010 opgestel was, te hou.

Dit lees soos volg:

“Wonderboom Rolbalklub is die klub van keuse vir mense wat ‘n passie vir die spel het. By Wonderboom word rolbal kompetend en sosiaal gespeel vir die pure genot daarvan.”

Hierdie verslag is nie bedoel om gedetailleerde inligting deur te gee oor die aktiwiteite van die klub nie, maar om te bepaal of Bestuur en die klublede daarin geslaag het om gedurende hierdie afgelope speelseisoen, die visie van die klub uitgeleef het.

Doelstelling.

Om die aktiwiteite van die klub ten beste te bestuur, was daar deurentyd op die volgende kern-aspekte gefokus:

1. Werwing van nuwe lede.
2. Finansiële beplanning.
3. Sosiale aktiwiteite.
4. Afrigting.

Werwing van nuwe lede.

Die doelwit was om die ledetal teen 2013 te verhoog tot 180.

Dertien lede is geworf en 31 het bedank agv verhuising, siekte of persoonlike redes. Ses is oorlede.

Ons ledetal staan nou op 142 (lede wat klubfooie betaal is 139.)

Die afname van die getal lede is ‘n bron van kommer en daar word aanbeveel dat dringende aandag daaraan gegee sal word.

Die ontwikkelings-beampte van Rolbal Suid-Afrika het op ‘n onlangse BGN vergadering melding gemaak dat ‘n studie gemaak is oor die lidmaatskap van rolbalspelers. Die

studie het getoon dat indien die huidige tendens gehandhaaf word, daar oor twintig jaar geen rolbalkklub in Suid-Afrika sal wees nie.

Die afname in ledetal is nie beperk tot Wondeboom nie, maar word by die meeste klubs ondervind.

Die President van Rolbal Suid Afrika, Mnr Allan Freeman, het die volgende in die inligtingstuk "The Official Handbook Of The Warwick Bowls South Africa Men's National Championships 2013" op bls 4, die volgende boodskap aan die deelnemers gegee, en ek haal aan: "The entries to the Nationals have gradually decreased over the years, and I appeal to you all to encourage your other club members to enter next year, in an endeavour to restore the Nationals to its former glory." Hier eindig die aanhaling.

Daar is sekerlik baie oorsake vir die afname van die inskrywings vir die toernooi, maar ek is seker daar is 'n verband tussen die aantal klublede teenoor die aantal inskrywings. Hoe meer klublede hoe meer inskrywings.

Die beste adverteerder vir rolbal bly egter die spelers self. Wat sal die uitwerking net nie wees nie indien elke lid daadwerklik begin om nuwe lede te werf?

1. Finansiële Beplanning.

Die finansiële implikasie van die plaaslike Stadsraad bly 'n bron van kommer.

Die huurgeld is weer met 8% verhoog en staan nou op R21,050 per jaar.

Aan die begin van die speelseisoen moes die klub gebruik maak van eie fondse om bolaag grond vir die perke aan te koop. Hierdie stap was nodig om die perke betyds gereed te kry vir die nuwe speel-seisoen. Pogings om die geld van die Munisipaliteit in te vorder het misluk omdat die fondse van die Munisipaliteit uitgeput was.

Onkruid-doder is ook uit eie fonds aangekoop.

Pogings was, sonder sukses, aangewend om advertensieborde op die terrein teen R700.00 per jaar te verhuur.

Twee maal was daar pogings aangewend om korporatiewe dae te reel. Hierdie pogings was ook sonder sukses.

As gevolg van die ekonomiese omstandighede word dit moeiliker om firmas te oortuig vir borgskappe.

Om tred te hou met die stygende uitgawes sal oorweging gegee moet word om lidmaatskap-bydraes te verhoog.

2. Sosiale Aktiwiteite.

Sosiale geleenthede is gereeld gereël en goed ondersteun.

Voorbeelde van hierdie geleenthede is Valentynsdag, Bingo aande en bring en braai.

Die enkellopendes het op 'n gereelde grondslag bymekaar gekom en funksies gehou.

Daar was ook genoeg geleenthede geskep om ná spel in die kroeg bymekaar te kom om gesellig te verkeer.

Afkondigings is gereeld gemaak oor die die lief en leed van lede. Telefoon-oproep is gemaak en besoeke ter ondersteuning is gedoen by lede wat siek of in beproewing was.

Soos reeds genoem is ses lede gedurende die speelseisoen oorlede, naamlik

- Toeks Kruger op 16 Augustus 2012
- Daan Rossouw op 6 September 2012
- Tony Williams op 20 September 2012
- Ronel Swart op 25 Mei 2013
- Hester Zietsman op 11 Junnie 2013
- Dave Brice op 24 Jullie 2013

Ons eer hul nagedagtenis.

3. Afrigting.

Oefensessies is gereeld gehou. Veral twee afrigtingmetodes was ingespan om die vaardighede van die spelers te verbeter, nl spesiale oefensessies om verskillende skote te speel en Talent Ontwikkeling.

Nuwe lede wat nog nooit rolbal gespeel het nie, is deur bekwame afriters afgerig.

Wonderboom het goed gepresteer in kompetisies. Om enkele hoogtepunte uit te lig word melding gemaak van die volgende:

Liga wedstryde: Die mans het die BGN –liga se derde divisie gewen.

BGN wedstryde: Twee spanne het deurgedring tot die finale rondte en het silwer medaljes gewen nl. die dames driespel, bestaande uit Marna Bartlett, Marietjie Laage en Marlene Attwood.

Die ander span wat ook silwer medaljes ontvang het, is die snr mans vierspel bestaande uit Willem de Kock, Piet Stroebel, Manie Boshof en Koos Snyman.

Rea Potgieter en Simon Botha is onderskeidelik die klub se dames en mans enkel-kampioene en het sodoende gekwalifiseer om aan die BGN se kampioen van kampioene kompetisies deel te neem.

Ons is trots om te noem dat Rea nou die BGN vroue kampioen van kampioene is.

Rea en Simon is ook gekies vir die BSA se snr. Dames en mans spanne. Dit is voorwaar 'n merkwaardige prestasie.

Hendrik Vermaak, een van ons jnr. lede, was lid van BGN se onder 19 span. Hierdie span het 'n silver medalje tydens die onder 19 Interdistrik toernooi gewen.

Nasionale Kampioenskappe: Marna Bartlett, Manda Stroebel, Nic Laage, Rea Potgieter en Simon Botha.

Bogenoemde illustreer die gehalte van Wonderboom-spelers se spel.

Sonder afrigting, toewyding en doelgerigte oefeninge sou hierdie prestasies nie behaal kon gewees het nie.

Opsomming

Gemeet aan die doelwitte wat gestel was, kan die klub tevrede wees met dit wat bereik is.

Bogenoemde doelwitte en prestasies kan alleen deur spanwerk bereik word, daarom word erkenning aan die volgende persone gegee:

1. Afrigters en keurders
 2. Tegniese Beampies
 3. Ouditeur: Willem Gazendam
 4. Gerhard Terblanche vir registrasie van nuwe lede en instandhouding van ledelyste
 5. Kroegmanne
 6. Perke Meester en grassnyer operateurs.
 7. Almal wat gehelp het met spyseniering.
 8. Almal wat gehelp het om die bane gereed te maak vir spel en opruiming van toerusting.
 9. Wedstryd sekretaris en sekretaresse.
 10. Tommie Marais wat in beheer was van die Dinsdag Klub.
- Ella vir die skoomak van die klubhuis, eetgerei en die maak van tee.
11. Persone wat gehelp het met instandhouding van gebou en toerusting.

12. Elke lid van die uitvoerende bestuur
13. Elke lid van die klub
14. My vrou Hettie
15. Dank aan ons Skepper.

Weereens baie dankie aan almal. Dit was 'n eer om as Pesident te kon dien.

Sterkte aan die nuwe bestuur.
Mag Wonerboom van krag tot krag groei.

President:
Jannie Strydom.
17 Augustus 2013.